

沈乃文主編

明別集叢刊 第五輯

第六十三冊

黃山書社



國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020 年國家古籍整理出版規劃重點項目

沈乃文 主編

明別集叢刊 第五輯

第六十三冊

黃山書社



(明)釋道盛 撰

植聖草不分卷

明崇禎刻本

浪公植聖草序

余友唐宜之潛心內典苦為風
陽別駕馳壽春之正陽禮
衲鹿門禪師捐俸倡置願田
住山又為霍丘友人賈太華

序一

髮法名方覺一時淮南佛
騷騷興起唐公倡之也日者
門來賴緒余曰閻夢華禪師
定宗旨於壽昌受戒於博山
秘證於東菴錫笠所及衆儒

楚豫章之名區所接率達官

名士僧俗雲集其門無市著作
人如不二門等書寫莫不仰天
更曰植聖寺一切聖智皆以此
植也因以名草其目列為十說

序二

學瞻機鋒犀利子知之乎出
字一收見示德余評之念余愚昧
乎測之聊抒管見以為就正可也
師貽書序序末七倭佛派覽內
典狀說語錄以破惡趣日拙朴野

無父何足應 師命雖然余聞道

葉巖頭皆云智與師齊滅師半懷

智過於師方堪傳受余不知壽

昌東苑兩師而智聞博山今

師甫壯年僂入深造智過于師

序

矣矣侯余頃顧余逢掖老生姪梅

久學商之夫子之草茅誦讀僅到

賢書以梯榮利耶原求志以達道治

世以愛民身至於賈權勢以資禍福

後黃手天下非待素之罪也猶釋道

之翻經系學僅溺因果以祈福報

耶原見性與還元後法與度身耳

至於惑衆生以熾業魔蕪穢乎心

非禪玄之罪也試觀三教者述月經

史以及諸子又有文集行于世購貯不

序四

極可以充棟二藏諸經強半為律論

秘笈千古而下奇才卓識開口落筆

輒徑古人已發不過拾其餘瀟灑狂下

史五子言不厭其多因悟顏氏終日如

無思慮葉不煩啓問凡此文字已屬糟粕

彼皆靜默忘言心性光明內外洞
澈如琉璃寶塔嗚呼神哉得御
止無門不焚灰向上之志乎此所
以三教著述垂教萬世得魚而忘
筌寓神明於糟粕皆不可少者
歷觀二氏之興廢亦與氣運
相消長愚謂一代氣運其中溥
涵愛化治亂循環志以言宣行
由言著古今不同有如人面況乎
美惡勸懲感化人心非緣筆紀

載後起者稽古無徵如日月晦
冥則一代簡冊黯然無光嗟乎
著述有闕於世道如此推之釋
道亦紅紫平生涉筆為文必得
沙裏影不能成一家之言逆轉
序六
讀書種種近心力追作者寧
以之功臣備及吾儒錯綜綜史
一寫其護法度世之深心讀
書想見古人不必朝夕左右
切磋受益出收於毫楮間矣

落落石隱杜門守拙身如枯木
心如死灰一切死生禍福永通榮
辱視之如過眼浮雲塊然溪刻
自愛優哉游哉聊以卒歲中
見奇書起予者多矣然空石
序七
之是者眉山云空山無人水流
關人我目前喧寂異哉志耶時
耶遇尔陰夢人有離合隨緣未
叶歲月蹉跎文字頑空兩邊
不美常進入手無何有之鄉矣

敢質鄙臆何異于迷津之舟
渡我甲戌中元日賴川志
經居士張大同書於蘆花
以秋鴻堂



序八

植聖草

閩建州夢筆山釋道盛覺浪著

古今決不可一日無師友說

世間法與出世間法皆有三要一要知有自己身心性命之事二要師其能明身心性命之人三要求其參悟身心性命之道三法雖皆要領其所重尤在得真師友爲難也所謂世間法者何即我此界自有乾坤已來三皇氏出仰觀焉俯察焉中審焉而得法天之文效地之理會人之事所以開天下之物成天下

植聖草

之務通天下之志達天下之情俾其方以類聚物以群分生得其安死得其順由是天因之以清地因之以寧人因之以貞物因之以平至於世久事變類聚不得聚群或不得分生或不得安死或不得順而聖人通出制治救其不逮仍使夫夫婦婦父子子長長幼幼以及萬物各得其所沿於堯舜禹湯文武周孔出生亦乃自相師友無非因其天地人物生成之理而爲世間之君師互相裁輔而養正焉或因治其心所以安其身安其身所以適其世或因治其世所

植聖草

以安其身安其身所以樂其心故有精一慎獨之屬爲治心之統有仁義禮智之屬爲治身之統有禮樂刑政之屬爲治世之統總而較之是皆欲始末完全其天地人物已生後之一段大法也若非聖人迭出之爲君師以教誨萬世而成其制治則天地人物又安得自成其天地人物哉故吾所謂古今不可一日無師友者是也而所謂出世間法者又何夫出世者非捨此世別有所謂出世也即自古聖賢通出制治人之身心性命使其生安死順於天地兩間亦已至矣然彼尚未發明天地人物從何而生身心性命從何而有是故我佛因其生安死順之中發其生死之所自來始知有生無所生死無所死者爲天地人物之根本也請試論之蓋一切人等皆有本來不生不滅靈明妙性非名非相非事非理非根身器界非夢想顛倒良由真常不守自性不覺不知一念妄動故有無明無明者即自己妙明性中妄立覺明遂有能所對待互相轉搖變出三細六塵而成根身器界夢想顛倒復於夢中妄見有天地人物身心性命

生死種種業境所以生生世世夢中作夢識上生識不能頓斷命根因地惺悟去也獨我大覺世尊悟此覺明爲答是知見立知爲無明生死之根本故乃教人返已自求頓惺夢業或使人忘情破相而見性或使人悟心了妄而歸真或使人不迷於三界之空花或使人不執於四聖之妙法觀此世間如游夢境作此佛事如登戲場此之所謂卽世間而出世間也而我佛教法最廣無有一機不利種種方便設經律論無非欲人知此一念未生之前了無一法可得所謂

植聖草

生

元明照生所立照性亡迷妄有虛空依空立世界想澄成國土知覺乃衆生空生大覺中如海一漚發漚滅空本無况復諸三有而世人孰知十方虛空生我心內如片雲點太清哉又孰知一人發真歸元十方虛空一時消殞哉故永嘉大師云夢裏明明有六趣覺後空空無大千又曰大千沙界海中漚一切聖賢如電拂又謂常獨行常獨步達者同遊涅槃路又謂游江海涉山川尋師訪友爲參禪自從識得曹溪路了知生死不相干夫人之于生死亦大矣若實不

能了知而盡世間人孰能於生死不相干哉是故不辭跋涉徧求明師決擇死生頓超法界若於生死不能了脫則萬劫長迷昏睡之途何日能自憤自惺而不假師友之推呼哉所以歷代祖師莫不皆爲發明自己性命不敢一念自欺欺人盤根錯節敲骨打髓泰遍諸方門與透盡向上宗風始能爲人解粘釋縛援槪抽釘秉殺活鋒游生死道超出名言事理之障迥開玄微妙密之關自非訪求師友而得其參悟之法安能住世間不爲世間之所縛游法海不爲法海

植聖草

四

之所沉哉烏乎當此世運衰微之際法道凌遲之秋苟於一日無真師友一日不自參求則此幾希之脉亦幾乎息矣或謂世人必以聖賢爲師而不知聖賢乃以天地人物爲師其天地人物之師是古今不可昧滅不可自欺欺人之真師也又孰知於一念未生之前求此心師以自參悟自印證哉曰只此自師師人之法便是古今不可昧滅之師法也世人固自不知而聖人亦何嘗無師友啟發而能如是自求師哉吾所謂一日不可無真師友者正以此也師乎師乎

吾真不能一日無矣時杖者偕耿九一居士游天臺山絕頂兩相嚙傲有目顧四方之感歸作是說以識癸酉春日之事云

宗門以不肯自欺相授受說

達摩西來初未嘗將禪與東土人叅神光斷臂亦未嘗要叅西來人禪祇曰我心未寧乞師爲我安心師曰將心來與汝安及乎覓心了不可得乃云爲汝安心竟因是豁然自悟師資密符當時也實有法可傳乎實無法可傳乎若實有達摩以何法傳彼若實

植聖草

五

無神光如何因此始悟雖然直須親到這般時節始得不爾終是自欺欺人也又何貴於西來而爲此止之初祖哉試問當時此土更有一人如彼不從心外求法者否若有達摩不必西來若無達摩徒爾西來蓋斯時祇有義學最興祖則執文字道理細則執章句知見尚未離文字相及心緣相又安知有向上不傳之旨邪故初祖有教外別傳不立文字直指人心見性成佛之語也予嘗論古人生平祇是不肯自欺欺人所以徹上徹下絕無一毫委曲隱昧卽最初欲

植聖草

六

明自己生死大事不知性命落處至有數十年來此中一問頭不得及痛切不已發得一問雖萬里銀山衝開求決若未遇真具殺活手眼者畢竟剖擊不破設剖得破則如巖崩石裂海晏河清盡大地人把捉不住千佛出世沒奈何何所謂懸崖撒手自肯承當絕後再甦欺君不得且古人真叅實悟境界如擊石火真有火迸似閃電光真有光燦非若今日無火說熱無水說寒不悲而哭不痒而搔撼起達摩再來不第折蘆去矣如梁武帝初見大師卽問朕建立寺宇寫經度僧有何功德曰並無功德又問如何是聖第一義曰廓然無聖看他如握一把金剛王寶劍問法來不消一揮出世間法來不消一揮及問對者誰曰不識末後這一揮卽使從上佛祖也無躲處況其餘乎當時不遇其人便乃渡江而去於此亦何曾自欺欺人耶嗣後三四五祖如針芥不爽及六祖於黃梅夜半乃曰何期自性本自清淨何期自性本自解脫若未親到不疑之地但向此語容易領略不啻見彈而求鸚鵡炙安所夢見古人故六祖接南嶽

但問甚麼物恁麼來曰說似一物即不中曰還假脩證否曰脩證即不無染汚即不得祖曰如是如是善自護持接青原但問曾作甚麼來曰聖諦亦不爲曰落何階級曰聖諦尚不爲何階級之有祖曰如是如是善自護持祇這便如寶鑑臨人形影畢見何曾費纖毫氣力亦何曾虛設唱酬且今人實到得說似即不中否實到得聖諦亦不爲否倘不能實到恁麼田地却是開口告人易上山擒虎難也至南嶽接馬祖則曰磨磚既不成鏡坐禪豈可作佛而夏竦已見

植聖章

影而去矣若是劣蹄徒受痛策青原接石頭則曰溪還有這箇麼曰非但曹溪西天亦無而靈龜已見卦兆而通矣若是頑殼在下深錐乃若瀉山陽百丈之爭瓶臨濟將黃檗之虎鬚洞山觀雲巖之鏡影門撮雪峰之鰲鼻法眼奪地藏之指頭各各如五行交錯感激成文生剋制化天然妙叶所以順天者存逆天者亡達之則吉昧之則凶爲物不貳生物不測先天弗違後天奉時宗風顯密莫斯盛矣後世不知好惡不透幾微接續乘虛迷心逐迹蓋其參悟不真

而欲決擇宗旨寧不喪身失命於古人之典刑哉審夫古人大徹之後橫機所觸倒用所通未有不能爲人抽釘拔楔去縛解粘者以其師資授受之際自有一段真切之心奮起不可思議業用默默鼓舞作興亦何曾參他人口頭之禪與授冊子上之法和乎深念弟子求師之難難於師求弟子師求弟子之難難於弟子求師此千萬古真難遭遇也試觀五宗之上師資雖少其綱宗正大作用弘深所謂龍峻豚長源高流遠是已迄五宗之末如宋元輩豈無卓犖

植聖章

哉按其主張教人看死語執死法或偏以評語掛爲提唱宗旨有雖則乘時穿鑿不無見小速成即彼嗣人之數不在馬石之下求其如百丈藥山丹霞蘊之大機大用何人哉於此亦可槩見世愈降而愈下脉愈微而氣愈澆矣安得過量大漢本色重振向上不傳之風規復還唐宋天然之氣象哉如治世之道自堯舜爲正始至文武爲正終設非衆聖之大成孔子崛起則添設雕琢使堯舜文武之道未免喪其渾全矣夫天生仲尼當此時也直自祖

述堯舜憲章文武明大易刪詩書定禮樂作春秋標萬世帝王不易之師法建終古天地不壞之綱維真可謂成始成終時中之大聖人也後世雖有聖智復起亦必守其成法以救其偏弊而已矣孰能於此加焉於戲我此法門至於五宗以下亦猶世運之值周末也安得若而人振此亂緒之綱會茲濫流之海以復五宗嶽原而歸向上哉予何人斯犯此不諱蓋深恐負先聖與自欺欺人直作此說以質天下誠有聖於天下耳倘高明有以教我則旦暮遇之也予敢有

植聖草

不受命予敢有不受命

大法有內外護說

護法者護吾人身心性命之法也卽所謂王法與佛法相表裏也世人不知以爲護佛之法又何異愚民曰而我亦行堯舜之道哉或謂吾儒乃大同至公之道護之則有裨於家國天下而佛乃虛無寂滅之教護之亦何補于脩齊治平哉曰非然吾亦有身心性命之人也能獨令此家國天下之法乎世人以虛無寂滅之教爲排者正以不知有深乎大同至公之道

也試嘗論之卽佛有三大藏法曰經律論更有教外別傳曰正法眼且姑置勿舉如佛最初爲十方刹土國王大臣長者居士所授三皈五戒之法亦自奇特非常也其三皈者何一皈依佛卽自皈本覺靈心如天下人先知有君父之當尊則夙夜匪懈以事一人更無悖逆以自犯也二皈依法卽自皈本明妙智如天下人先知有國制之當欽則禮樂征伐自天子出更無僭越以自棄也三皈依僧卽自皈本淨妙行如天下人先知有王事之當從則鞠躬盡瘁死而後已

植聖草

十一

更無欺罔以自墮也其五戒者何一不殺生卽不斷自己慧命也如天下之慘傷莫過於中外屠戮而佛戒不但禁其弑害君親卽蜚飛蠕動猶不敢損則以慈悲絕其殺幾有甚於威刑矣二不偷盜卽不虧自己幽靈也如天下之強暴莫過於劫奪邦位而佛戒不但禁其竊取神器卽無主花卉猶不敢折則以喜捨絕其偷心有甚於嚴憲矣三不邪淫卽不喪自己真精也如天下之迷亂莫過於姦辱倫理而佛戒不但禁其穢污閨帟卽隔壁釵聲猶不敢擬則以堅貞

絕其欲朕有甚於肅典矣四不妄語卽不欺自己至誠也如天下之讒佞莫過於誣滅經綸而佛戒不但禁其飾僞侮文卽意言綺貳猶不敢恣則以嚴密絕其妄隙有甚於聖制矣五不飲酒卽不壞自己淨明也如天下之失悞莫過於昏惑治政而佛戒不但禁其醺酒敗事卽酣醉之人猶不敢近則以智慧絕其昧緣有甚於明詔矣卽此三皈五戒爲在俗入道之初門施之於脩齊治平尚有餘地矣使天下之人皆能遵此三皈五戒隨次推而行之則萬國永無干戈

植聖草

七

僭竊亂倫敗理之事常如唐虞揖讓之世也况能根本具足及菩薩大戒與三德四智六度萬行而成就此莊嚴法宇哉又况能以直指人心之全機大用使人立地可以頓悟成佛之知見哉故吾之所謂佛法者卽所以自護其身心性命與王法佛法相表裏也何嘗以虛無寂滅無補於大同至公哉或謂今天下人多護持三寶而不聞有以補治政者何也曰君子之識力闊淺未能究其微也如三代已上人心淳樸易於教化降于秦漢人物奸強至難調御乃若人

情物理有先儒所未明性命身心有聖教所未發奇作用有王法所不加秘密威靈有國制所不逮有富貴聰明之至極非警以性命之大事無以折其高有懷憤瞞激烈之不平非喻以因果之深緣無以消其鬱結有生於邊地下賤之險異非設以神道之教化無以格其顛頑有伏于深山窮谷之妖邪非感以平等之哀憐無以攝其不測幸此佛法推廣於震旦令其自肯自切以自悟自度卽使神武不殺編諸海嶽以兵甲鎮守而勞民傷財又何若分其教

植聖草

七

自相忘於道術而共致太平哉世有不知此深理強起以闢異端爲有功於聖道彼又安知隨處之外有如此之大天地哉惟我太祖高皇帝乘大願力與覆載同仁龍興之時勅諸文武崇佛禁戒大爲保護生靈故其順天應人疾登寶位而首卽詔天下各山大刹延諸經律禪僧住持頒大藏尊經令各處布政弘揚佛教飾制群靈以陰補王綱之不漏潛助國治之無爲自非

太祖神聖洞察幾微安肯抑大同至公之道以崇尚異教而參贊其至化哉嗚呼吾佛所謂唯佛與佛乃能究盡諸法實相而開示悟入衆生此甚深智慧之門者非與中實所謂苟不固聰明聖知達天德者其孰能知之之同意乎或謂今人亦有歸護此法而獲進銳退速者何也曰此蓋信道不篤與擇人不真之故耳然此護法之人畧有三種其一雖護門庭設化於中尚未深參但能施財作福而親近法筵者其二兼爲內外傳持於中已得入處方將爲法忘軀而求

植聖草

三

續佛慧者其三自能堂與主宰於中深有發明妙蘊遺囑大事而全身擔荷者故獨有全身擔荷之人乃能於無佛法處建立無上法幢無真僧中推出人天眼目或起法師於故地或延宗匠於他方或誘引慕不知生心仰慕或激揚其未學憤智參承或屈尊就卑而提攜弱喪或攀高俯下而光闡玄微或振作其殊途摩盪爲象或鼓舞其同類交錯成文或陰發聖賢之心傳以資至治或密挽乾坤之氣運以致太平蓋機權之已在我而旋幹之應臨時也其次爲法忘

軀者雖亦有彼作畧但以慧曉未開或至認人不免被他移轉其大權方便之力安能如彼於無猶唱出絕後亦吹甦者之神效哉其初尚未深參或遇明眼而正見漸生或值和師而真機反謬或恃其尊貴不能取善從人或夙負其才各弗肯折受煖或執先入之言如毒食不化或局小道之智歸泮未克或各主其師承而疑信交戰或私諱其本而藥病相持更有說似是而行實非陽爲此而陰在彼有以名利侵佛傷殘功德之林有以酒色

植聖草

四

破壞定慧之脉有以採藥迷坑而投爐失汞何永命之金仙有以登峰折屐而逐岐亡羊焉得春之肉佛悲夫自非夙具靈骨一呼爭解翻身其業落冤家三喚徒深陷足吾所謂聞法必藉大發機猶須真種性者豈非欲人於此法門當生難遭之想哉故靈山親相付囑諸大士發深誓願現此國王大臣長者居士等身爲內外護者正欲同道化同儔以入世援出世斯可使正法久住表兼持也或謂表裏兼持之法從上亦有不易之

手曰善哉問若欲使此正法垂持而久住者莫過於
華嚴圓頓法門之綱要其普賢長子之十大願王也
一日禮敬諸佛卽此開頭一着便欲人折伏身心全
體受命更無凌鏢上下向外馳求也二曰稱讚如來
卽此便欲人頓發心花光生長舌更無欺罔之言變
亂聖訓也三曰廣脩供養卽此便欲人胸襟迸出盡
地遮天更無隱昧不顯偏執宛親也四曰懺悔業障
卽此便欲人掀翻業識剖露空王更無包藏禍胎雲
生日面也五日隨喜功德卽此便欲人兩腋生光遍照

植聖草

塵刹更無草野遺珠特地按劍也六曰請轉法輪
此便欲人揭開日月朗行中天更無霜露所墜不聞
雷霆也七曰請佛住世卽此便欲人直見此心各自
成佛更無不安生理肯作非爲也八曰常隨佛學
此便欲人對鏡照顏自見眉目更無播揚糠粃昧已
昧人也九曰恒順衆生卽此便欲人一體神明群靈
效用更無變理不和萬物失性也十曰普皆回向卽
此便欲人大緣性合全體圓同更無至誠之道不參
兩間也如是十願大法樞機一舉則一切舉一成則

一切成以其自性現量稱性法門繁興大用全體
真而諸佛菩薩不發此願決不能成就一真法界
滿毘盧藏身也噫世出世間有此法門誰能盡此報
身行此十願而自護此身心性命與王法佛法相表
裏以紹隆十方慧命而常住不滅哉予不敢忘靈山
付囑之意特擬議以再叮嚀之故不覺其徒效杞人
之憂云

人法必交相重說

觀夫佛祖出世始終設化惟有人與法而已矣

植聖草

初生菩提座於一切法成最正覺而說大方廣
嚴經是則以人爲重乃稱性之法其全體盧舍不
寂場處華藏海而智入三世都無來往與十方塵
諸佛菩薩主伴交叅重重涉入實惟一真法界故
賢文殊爲長次子出入藏身三昧全子卽父身裏
門得大機大用以向上全提也所以有發菩提心學
菩薩行之善財童子而稱童子者是最初一念真機
卽圓成實智而頓成正覺者也故其徧叅離明之五
十三善知識造端卽得根本性智而後步步入佛自